



**Oqaasiliortut ataatsimiinnerat pingasunngornermi 26.02.2020 nal. 9.30-12.00.**

**Peqataasut:**

Oqaasiliortut: Mariia Simonsen, Karen Ramsøe & Hans Kristian Olsen

Oqaasileriffimmit: Lisathe Møller, Katti Frederiksen & Ane-Mette Broberg Damgaard

**Peqataaangitsut:**

Knud Møller aamma Juaaka Lyberth peqquteqartumik pisinnaannginnamik ataatsimeeqataangillat.

**1. Oqaluuserisassat ima isikkoqartillugit akuerineqarput**

1. Oqaluuserisassat akuerineqarnerat
2. Kingullermik ataatsimiinnermit imaqarniliap akuerineqarnera
3. Siulittaasumit Oqaasileriffimillu ilisimatitsissutit
4. Siulittaasup tullissaanik qinersineq, suleriaaseq § 2
5. Aalajangiivigisassat:
  - a. Atsiiniarnermi najoqqutassat nutarternissaannik siunnersuut
  - b. Aqqit akuerisat suaassusersorneqarnerisa iluarsaanneqarnissaat
  - c. Aternik qinnuteqaatini allaffissornikkut periusissamik allannguinissamik siunnersuut
6. Kalaallisut taaguusigassat:
  - a. falsk brev
  - b. oqaasiliaq '*avilortariaq*' akuerineqassava?
  - c. isikkamik arsannermi taaguusersuutit 563-it akuerineqarnerat
  - d. curlingforældre
7. Suliat allat pillugit ilisimatitsineq
  - a. Aqqit ataatsimiinnermit kingullermit saaffiginnissutigineqartut
8. Ataatsimiinnissap tulliaata ullulerneqarnera
9. Tamalaat



## Imaqarniliaq

### 2. Kingullermik ataatsimiinnermit imaqarniliap akuerineqarnera

Decembarip 17-ianni 2019-imi ataatsimiinnermit imaqarniliaq taaguutunik missoqqaagassaqarnera peqqutigalugu akuerineqanngikkallarpoq

### 3. Siulittaasumit Oqaasileriffimillu ilisimatitsissutit

Oqaasileriffimmit ilisimatitsissutit tusaatissatut tiguneqarput.

### 4. Siulittaasup tullissaanik qinersineq, suleriaaseq § 2

Kinguartinneqarpoq.

### 5. Aalajangiivigisassat:

- a. Atsiiniarnermi najoqqutassat ilaat ima allassimagaluartoq: 'Siuliaqutit tallimanit amerlanerussanngillat' allanngortinneqarpoq ima: 'Siuliaqutit tallimanit amerlanerunissaat inassutigineqanngilaq'. Allanngortitsinermit pissutaavoq aqqit pillugit inatsimmi siuliaqutit qassiunissaannik allassimasoqanngimmat, taamaattumillu tallimanit amerlanerussanngitsut malittarisassani peqqussutigineqarsinnaanani. Taamaattoq inassutigineqarsinnaavoq tallimanit amerlanerussanngitsut.
- b. Aqqit akuerisat suaassusersorneqarnerisa iluarsaanneqarnissaat.
  - i. Aterni akuerisatut nalunaarsukkani aqqit kikkunnit aterineqarsinnaanerisa nalunaarsornissaannik (suaassusersorneqarnissaannik) Oqaasiliortut Oqaasileriffimmut pisinnaatitsipput. Tamatumani pineqarpoq ateq nukappiaqqamit, niviarsiaqqamit imaluunniit tamanit aterineqarsinnaanersoq. Suliaq naammassippat Oqaasiliortunut saqqummiunneqassaaq.
- c. Aternik qinnuteqaatit allaffissornikkut suliarineqartarnerisa allannguutissaanik siunnersuut.
  - i. Oqaasileriffik Oqaasiliortunit pisinnaatinneqarpoq aqqit qinnutigineqartut, aternik akuersisarnermut malittarisassanik assortugassaanngitsumik unioqqutitsisut, soorlu allattaatsimut uniuuttumik allassimasut, ingerlaannaq itigartissinnaalissagai. Aqqit ataatsimiinnermit kingullermit saaffiginnissutigineqartut allattorsimaffiannut ilanngullugit Oqaasiliortunut ilisimatitsissutigineqartassapput.

### 6. Kalaallisut taaguusigassat:

- a. falsk brev  
Kalaallisut taaguuserneqarpoq: *allagaq peqquserluut*.
- b. oqaasiliaq '*avilortariaq*' akuerineqassava?  
Oqaasiliortut aalajangerpaat *spilledåse* qanoq kalaallisut taaguuserneqassanersoq Facebookikkut siunnersuuteqartitsinikkut ingerlanneqaqqaassasoq
- c. Isikkamik arsaannermi taaguusersuutit 563-it akuerineqarnerat



Kinguartinneqarpoq suli iluarsisassaqaqarmat.

d. *curlingforældre*, *qass. curlingforældre*

- i. kalaallisut taaguuserneqarpoq: *nammalluni perorsaasoq (qass. nammallutik perorsaasut)*.
- ii. curlingbarn kalaallisut taaguuserneqarpoq: *nammallugu perorsagaq (qass. nammallugit perorsakkat)*.

## 7. Suliat allat pillugit ilisimatitsineq

Aqqit ataatsimiinnermit kingullermit saaffiginnissutigineqartut.

- i. *Ava* nukappiaqqat aqqattut akuerisaareersoq saaffiginnissutigineqarpoq 16/12-19.
- ii. *Duuda* niviarsiaqqat aqqattut qinnutigineqartoq itigartitsissutigineqarpoq 17/12-19. Allamiut aqqannit pilerfeqarpat Kirkeministeriamut qinnutigineqarsinnaanera innersuussutigineqarpoq. Tuuta niviarsiaqqat aqqattut akuerisaniittoq aamma taarsiullugu atsiunneqarsinnaasoq ilisimartitsissutigineqarpoq.
- iii. *Rosing* niviarsiaqqat aqqattut qinnutigineqarsimasoq Kirkeministeriamit Oqaasileriffimmut tusarniaassutigineqarpoq. Siuliaqutaanani naggataammat Kirkeministeriap itigartitsissutigaa.
- iv. *Mouni* niviarsiaqqat aqqattut qinnutigineqartoq Kirkeministeriamut innersuunneqarpoq.
- v. *Sorannguaq* niviarsiaqqanit nukappiaqqanillu aterineqarsinnaasutut Oqaasiliortunit tamarmiusunit akuersissutigineqarpoq 3/2-20.
- vi. *Aajoora* niviarsiaqqanit nukappiaqqanillu aterineqarsinnaasutut Oqaasiliortunit tamarmiusunit akuersissutigineqarpoq 4/2-20.
- vii. *Anorinnguaq* niviarsiaqqanit nukappiaqqanillu aterineqarsinnaasutut Oqaasiliortunit tamarmiusunit akuersissutigineqarpoq 14/2-20.
- viii. *Ernitsiaq* nukappiaqqat aqqattut qinnutigineqartoq Oqaasiliortut tamarmiullutik akuersissutigaa 21/2-20.

## 8. Ataatsimiinnissap tulliata ullulernerqarnera.

Oqaasiliortut isumasiorneqassapput ullut uku arlaat ataatsimiiffiusinnaanersut:

- Sisamngorneq 26/3-20, nal. 9.30-14.00,
- Pingasunngorneq 1/4--2020 nal. 9.30 – 14.00.

## 9. Tamalaat.



Ataatsimiinnermi peqataasut:

---

Mariia Simonsen  
siulittaasoq

---

Karen Ramsøe  
ilaasortaq

---

Hans Kristian Olsen  
ilaasortaq

Ataatsimeeqataangitsut imaqarniliaq atuarsimallugu uppernarsarpaat:

---

Juaaka Lyberth  
ilaasortaq

---

Knud Møller  
ilaasortaq